

1.

Í kaflanum „Samgöngur“ – „Sjónarmið við ákvarðanatöku“ er þessi texti: „Ferðamannaleiðir (gönguleiðir, reiðleiðir og reiðhjólaleiðir)“

Ég legg til að orðinu „vegslóðar“ verði bætt inn þannig að setningin verði svona „Ferðamannaleiðir (vegslóðar, gönguleiðir, reiðleiðir og reiðhjólaleiðir)“

Ekki er hægt að lista upp ferðamannaleiðir án þess að telja vegslóða með. Óbreytt er þessi setning líka í ósamræmi við þessa setningu sem er í kaflanum „Tilvik“: „Á svæðum sem flokkast sem ósnortin víðerni skal ekki leyfa umfangsmikla uppbyggingu vegasamgangna, heldur eingöngu vegslóða ásamt göngu- og reiðleiðum.“

Í III. Viðauka er kort sem sýnir ósnortin víðerni. Innan ósnortinna víðerna samkvæmt þessu korti eru fjölmargir vegslóðar. Ekki getur verið að til standi að loka þeim fyrir vélknúnni umferð. Til að gæta samræmis og hafa þetta rétt og skýrt er því nauðsynlegt að hafa setninguna sem skýrir ferðamannaleiðir með vegslóðum líka.

Ástæðan fyrir því að þetta þarf að vera skýrt er aðallega sú að hart og óvægið er sótt að ferðafrelsi þeirra sem ferðast á eigin vegum um hálendið á vélknúnum ökutækjum og ástæðulaust að gefa slíkum aðilum tilefni til að nýta sér óskýrt eða loðið orðalag.

2.

Í kaflanum „Mannvirki“ – „Sjónarmið við ákvarðanatöku“ er setningin: „Þar sem slíkt er ekki mögulegt sé þess gætt að þau valdi sem minnstu raski og sjónmengun og feli þá einvörðungu í sér takmarkaða mannvirkjagerð, svo sem gönguskála, vegslóða og göngu- og reiðleiðir.“

Ég geri alvarlega athugasemd við að skálar í óbyggðum á miðhálendinu eru eingöngu kallaðir „gönguskálar“ ?

Er ekki gert ráð fyrir skálum sem hægt er að aka að eftir vegslóðum ? Slíkt væri alvarleg aðför að ferðafrelsi á hálendinu og ekki ásættanlegt. Þessi orðnotkun yfir fjallaskála tel ég því ekki vera ásættanlega og legg til að henni verði breytt í meira réttnefni, til dæmis „fjallaskála“ eða „skála í óbyggðum“.

3. Vísað er í skjalið „Stjórnunar- og verndaráætlun Vatnajökulsþjóðgarðs frá febrúar 2018.“

Þetta skjal er ekki til. Gildandi Stjórnunar og verndaráætlun er frá árinu 2013. Hins vegar reyndi VJÞ að gefa út Stjórnunar og verndaráætlun samkvæmt skjali sem var gefið út í febrúar 2018. Þetta skjal var sent í kynningu en var ekki unnið frekar vegna mjög alvarlegra annmarka í stjórnsýslu og verulega alvarlegra athugasemda sem bárust.

Í ljósi þessara slæmu annmarka á stjórnsýslu innan VJÞ og hvers eðlis þeir eru er algjörlega ótækt að nýta það skjal í þessari vinnu. Ég tel þetta atriði gera skalið sem hér er til umsagnar ótækt og þess vegna er nauðsynlegt að draga það til baka úr kynningu og vinna það betur og eftir réttum gögnum.

4. Vísað er til eftirfarandi laga: „Lög um Vatnajökulsþjóðgarð, nr. 60/2007.“

Búið er að gefa út „Lög um breytingu á lögum um Vatnajökulspjóðgarð, nr. 60/2007, með síðari breytingum (stjórnfyrirkomulag, verndaráætlun, leyfisveitingar o.fl.).“, Samþykkt á Alþingi 8. september 2016.

Framangreind tilvísun er því ekki alveg rétt og ef skjalið er ekki unnið samkvæmt nýjustu nýjustu gildandi lögum um VJP er þar komin önnur ástæða til að draga skjalið til baka úr kynningu og endurbæta vinnubrögðin.

Reykjavík 7. desember 2018 kl. 23:15
Snorri Ingimarsson, kt. 060160-3929
Umhverfisnefnd Ferðaklúbbsins 4x4
Fulltrúi SAMUT í stjórn Vatnajökulspjóðgarðs